



Broj : 01/21-02-627-3/22
Datum : 06.04.2022.godine

Z A P I S N I K

s 8. sjednice Odbora za braniteljska i invalidska pitanja Zastupničkog doma Parlamenta Federacije BiH, održane 06.04.2022. godine

Sjednica Odbora za braniteljska i invalidska pitanja počela je u 11:00 h u zgradi Parlamenta Federacije Bosne i Hercegovine, u ulici Hamdije Kreševljakovića br.3, Sarajevo.

Sjednicom je predsjedavao predsjednik Odbora Adžem Dževad.

Nazočni članovi: Mustafa Hrvić, Boro Krišto, Rahim Gadžić, Zijat Mušić, Tašo Dacić, Šemsudin Kavazović, Hasan Muratović, Matea Cakalin.

Opravdao nenazočnost: Mujo Hasić, Marijan Klaić

Gosti: Mirza Terzo, Federalno ministarstvo za pitanje branitelja i invalida odbrambeno-oslobodilačkog rata.

Nazočnošću dovoljnog broja članova na sjednici Odbora ispunjeni su uvjeti za valjani rad u pogledu kvoruma i odlučivanja.

Odbor za braniteljska i invalidska pitanja Zastupničkog doma Parlamenta Federacije BiH (u daljem tekstu: Odbor), na 8. sjednici, održanoj 06.04.2022. godine, razmatrao je sljedeći:

DNEVNI RED

1. Usvajanje zapisnika sa 7. sjednice Odbora za braniteljska i invalidska pitanja;
2. Prijedlog Zakona o izmjenama i dopunama Zakona o pravima branilaca i članova njihovih obitelji - skraćeni postupak;
3. Prijedlog Zakona o izmjenama i dopunama Zakona o pravima demobiliziranih branilaca i članova njihovih obitelji - skraćeni postupak;
4. Prijedlog Zakona o izmjenama i dopunama Zakona o posebnim pravima dobitnika ratnih priznanja i odlikovanja i članova njihovih obitelji - skraćeni postupak;
5. Očitovanje Odbora na zahtjev Ustavnog suda za ocjenu ustavnosti i zahtjeva za donošenje privremene mjere;
6. Tekuća pitanja

ZAPISNIK

1. Usvajanje Zapisnika sa 7. sjednice Odbora za braniteljska i invalidska pitanja Zastupničkog doma Parlamenta Federacije BiH

Članovi Odbora su jednoglasno usvojili Zapisnik sa 7. sjednice Odbora za braniteljska i invalidska pitanja Zastupničkog doma Parlamenta Federacije BiH, održane 02.02.2022. godine.

2. Prijedlog Zakona o izmjenama i dopunama Zakona o pravima branilaca i članova njihovih obitelji - skraćeni postupak;

Predsjednik Odbora je dao riječ Mirzi Terzi kao predlagaču Zakona. Mirza Terzo je istaknuo da je set Zakona urađen u koordinaciji sa boračkim udrugama. Predviđeno je povećanje naknada 5%, dakle predviđeno je 12,5 miliona. Zakon predviđa povećanje naknada suprugama šehida i poginulih branilaca koje nisu imale djece kao i roditelja šehida i poginulih branilaca. Također, Mirza Terzo je istaknuo da je omogućeno djeci bez oba roditelja koja se nalaze na evidenciji zavoda za zapošljavanje primanje naknade te je pomjerena dobna granica za uživanje ovog prava sa 25 na 35 godina. Regulisan je uslov ostvarivanja prava na obiteljsku invalidninu iza umrlog branioca, te je brisan rok u pogledu dokazivanja bračne ili vanbračne zajednice nakon smrti branioca. Istaknuto je da je propisano da djeca šehida i poginulih branilaca, rođena u braku ili u vanbračnoj zajednici i nakon prestanka prava na obiteljsku invalidninu imaju status člana obitelji poginulog borca i ostvaruju sva druga prava propisana zakonima o dopunskim pravima branilaca i članova njihovih obitelji. Propisana je prednost u oblasti zapošljavanja, samozapošljavanja, obuke, prekvalifikacije i dokvalifikacije kao i dodjele sredstava za investicije u poljoprivredna domaćinstva (gazdinstva) i obrtnu djelatnost. Te je istaknuo da je 18,5 miliona povećanje proračuna za ovu kategoriju u odnosu na izvršenje proračuna prošle godine.

Odbor je donio sljedeći:

ZAKLJUČAK

Nakon uvodnog izlaganja predstavnika Ministarstva za pitanja branilaca i invalida odbrambeno-oslobodilačkog rata, Mirze Terze, Odbor za braniteljska i invalidska pitanja Zastupničkog doma Parlamenta Federacije Bosne i Hercegovine jednoglasno je podržao Prijedlog Zakona o izmjenama i dopunama Zakona o pravima branilaca i članova njihovih obitelji te se upućuje na dalju parlamentarnu proceduru i predlaže njegovo usvajanje.

3. Prijedlog Zakona o izmjenama i dopunama Zakona o pravima demobiliziranih branilaca i članova njihovih obitelji - skraćeni postupak;

Predsjednik Odbora je dao riječ Mirzi Terzi, predlagaču. Terzo je pojasnio izmjene i dopune ovog zakona. Istaknuo je da je brisana je dobna granica za djecu koja žive u zajedničkom

domaćinstvu sa demobiliziranim borcem i definisano je ko se smatra djetetom demobiliziranog branioca. Također, regulisan je način naknade za troškove dženaze/sahrane u slučaju smrti demobilisanog borca kao njena visina, te da pravo na pomoć za troškove dženaze/sahrane u slučaju smrti demobilisanog borca ima lice koje je iste platilo, pod uslovom da umrli nema živih članova porodice. Obuhvaćene su kategorije demobiliziranih branilaca povratnika u entitet Republiku Srpsku i Brčko Distrikt BiH, kao i supruge umrlog demobilisanog borca povratnika u entitet Republiku Srpsku i Brčko Distrikt BiH. Također je propisano da pravo na novčanu egzistencijalnu naknadu može ostvariti i suprug umrlog demobilisanog borca ukoliko na dan podnošenja zahtjeva ima navršenih 57 godina života ukoliko ne ostvaruje mjesečne prihode u iznosu većem od 50% minimalne penzije isplaćene u Federaciji BiH za mjesec decembar 2018. godine i ako je umrli bio pripadnik Oružanih snaga najmanje 12 mjeseci.

Mustafa Hrvić, kao podnosilac amandmana na ovaj zakon je istaknuo kako je neprihvatljivo da se umanjuje iznos naknade za troškove dženaze/sahrane. U važećem zakonu je predviđena naknada u iznosu od prosječne neto plate iz prethodne godine a da se ovim predloženim izmjenama i dopunama troškovi smajuju za 1/3. Ostali članovi Odbora su se složili sa mišljenjem Mustafe Hrvića.

Odbor za braniteljska i invalidska pitanja je donio sljedeći:

ZAKLJUČAK

Nakon uvodnog izlaganja predstavnika Ministarstva za pitanja branilaca i invalida odbrambeno-oslobodilačkog rata, Mirze Terze, Odbor za braniteljska i invalidska pitanja Zastupničkog doma Parlamenta Federacije Bosne i Hercegovine jednoglasno je podržao Prijedlog Zakona o izmjenama i dopunama Zakona o pravima demobiliziranih branilaca i članova njihovih obitelji uz amandman podnesen od strane Mustafe Hrvića na Prijedlog Zakona.

4. Prijedlog Zakona o izmjenama i dopunama Zakona o posebnim pravima dobitnika ratnih priznanja i odlikovanja i članova njihovih obitelji - skraćeni postupak;

Mirza Terzo je obrazložio predložene izmjene i ovog zakona. Istaknuo je da je ovim izmjenama i dopunama ograničen je rok za ostvarivanje prava po ovom Zakonu za dobitnike ratnih priznanja i odlikovanja kojima su ista dodijeljena do februara 2000. godine, te utvrđeno da visina osnovice mjesečnog novčanog dodatka usklađivat će se u visini zbira 50% porasta potrošačkih cijena i 50% procenta porasta realnog BDP u Federaciji Bosne i Hercegovine u prethodnoj godini.

Odbor je po ovoj točki donio sljedeći:

ZAKLJUČAK

Nakon uvodnog izlaganja predstavnika Ministarstva za pitanja branilaca i invalida odbrambeno-oslobodilačkog rata, Mirze Terze, Odbor za braniteljska i invalidska pitanja Zastupničkog doma Parlamenta Federacije Bosne i Hercegovine jednoglasno je podržao Prijedlog Zakona o izmjenama i dopunama Zakona o posebnim pravima dobitnika ratnih priznanja i odlikovanja i

članova njihovih obitelji te se upućuje na dalju parlamentarnu proceduru i predlaže njegovo usvajanje.

5. Očitovanje Odbora na zahtjev Ustavnog suda za ocjenu ustavnosti i zahtjeva za donošenje privremene mjere;

Predsjednik Odbora gosp. Adžem je upoznao članove Odbora sa zahtjevom Ustavnog suda za ocjenu ustavnosti i zahtjeva za donošenje privremene mjere. Članovi Odbora su raspravljali o Zahtjevu, te je Matea Cakalin istakla da su odluke Ustavnog suda FBiH konačne i obvezujuće.

Odbor je jednoglasno donio:

ZAKLJUČAK

Odbor za braniteljska i invalidska pitanja Zastupničkog doma Parlamenta Federacije Bosne i Hercegovine postupajući po zahtjevu Ustavnog suda Federacije Bosne i Hercegovine broj: U-13/22 u ostavljenom roku očitujući se po Zahtjevu za ocjenu ustavnosti broj: 03-01-1-65-1/22 i Zahtjevu za privremenu mjeru 03-01-1-65-2/22 pozvao je na poštivanje ustavnih odredbi, tačnije člana IV. C. 12, kojim je propisano da su odluke Ustavnog suda Federacije BiH konačne i obvezujuće, kao i na poštivanje Poslovnika Ustavnog suda Federacije Bosne i Hercegovine, tačnije člana 61, kojim je propisano da su odluke Ustavnog suda Federacije BiH konačne i obvezujuće i da su tijela vlasti u Federaciji BiH a u okviru svojih nadležnosti utvrđenih Ustavom i zakonom, dužni provoditi odluke Suda.

6. Tekuća pitanja

Po ovoj točki dnevnog reda nije bilo rasprave.

Sukladno sa člankom 53. Poslovnika Zastupničkog doma Parlamenta Federacije BiH za izvjestitelja je određen Adžem Dževad, Predsjednik Odbora.

Sjednica Odbora završila je s radom u 12:00 sati.

PREDSJEDNIK ODBORA

Adžem Dževad, v.r.